

SARS E TŠEA MAGATO A TLHOKOMELO A COVID-19 MO MAKALENG LE BOEMA BJA GO TSENA MO NAGENG

PRETORIA, Sontaga 8 Matšhe 2020 – Ditirelo tša Motšhelo tša Afrika Borwa (SARS) di tsebišitše gore di tšeere magato a mmalwa a go fetola go kotsi ya phetelo ya Novel Coronavirus (COVID-19).

Khomišinare Edward Kieswetter o boletše gore ditshepetšo tša SARS tša motšhelo, khastomo le motšhelophahlogae di tla tšwelapele go sepela ka tlwaelo go makala ka moka a SARS, diofising le boema bja go tseña mo nageng. Magato a tswalantšwe le thekgo ya tlhomo tše dingwe tšeo di tšeerwego ke Kgoro ya Maphelo.

Makala ka moka a SARS a tla bea di hlatswa matsogo gore di hwetšagale go balefela motšhelo ka moka bao ba etelago makala a rena. SARS e tla kgonthiša gore mafelo ka moka a go šomela le a ditirelo ao a kgongwago kgafetša kgafetša a dula a hlwekišitšwe ka disepe tše kgethegilego. Tshedimošo gape e tla abelwa le balefela motšhelo ka ga dikgato tša motheo tša go thibela phatlalatšo ya COVID-19.

Ka tlaeletšo, Khomišinare ya SARS o rile, “Mo dibekeng tše mmalwa tša go feta, SARS e beile sedirišwa sa tšhireletšo go baofisiri ba Khastom go boema ka moka bja go tseña ka nageng, go akaretša di maseke, diklelafo gammogo le disepe tša go hlapa matsogo (disanethaeza) go ya ka Tlhahlo ya Setšhaba ya Mmušo”.

Baofisiri ba Khastomo ba SARS ba tla thekgwa ke baofisiri ba maphelo bao ba tla bego ba sekirina baeti bao ga tsenago mo Afrika Borwa.

Baofisiri ba SARS ba ikgokaganya le balaodi ba Khastomo go tšwa go dinaga mabapi go abelana ka tshedimošo ya mabapi le tsogo ya COVID-19 le dikgato tša go fokotša kotsi ya phetelo.

“Ke biletša go balefela motšhelo ka moka le bagwebi go lebelela tshedimošo yeo e lego gona go tšea dikgato tša go šireletša maphelo a bona le go itlhokomela. Molaetša o mogolo go bašomi ba rena, gammogo le balefela motšhelo, bagwebi le baeti ke gore ba se tšhoge, eupša ba itlwaetše go itlhokomela le go naganela batho ba bangwe.

“Ka mokgwa wo, go itlwaetša maemo a godimo a paballommele ya mong, kudu ka go hlapa matsogo botse kgafetšakgafetša, go fokotša go dumediša ka go swarana ka matsogo le go tšea maeto gape le go dula ka gae ge mohlomongwe ba itemogela maswao a mpshikela.”

“Re rata go kgonthišeletša balefela motšhelo ka moka, bagwebi le baeti gore SARS, gammogo le dikgoro tše dingwe tša mmušo, e tšea karolo e kgolo ya go fetolela go baerase ya COVID-19.”

SARS e tla tšwelapele go romela tshedimošo mo go hlokegago.